



Broj: 13-11-4-3961/23

Datum: 07. 08. 2023. godine

Na osnovu člana 100. stav (3) Zakona o javnim nabavkama ("Službeni glasnik Bosne i Hercegovine" broj 39/14, 59/22), člana 146. Statuta Općine Novo Sarajevo ("Službene novine Kantona Sarajevo" br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH" br. 2/98 i 48/99), a na prijedlog Komisije za javnu nabavku roba, radova i usluga, Općinski načelnik donosi sljedeću

ODLUKU

I

Usvaja se blagovremena žalba ponuđača PENNY PLUS d.o.o. Sarajevo, izjavljena na Odluku o izboru najpovoljnijeg ponuđača broj: 13-11-4-3961/23 od 18.07.2023. godine u postupku javne nabavke usluga „Nabavka novogodišnjih paketića za djecu predškolskih ustanova na području Općine Novo Sarajevo“.

II

Proglašava se nepravilnom ponuda ponuđača AERO-EXCLUSIVE d.o.o. Sarajevo.

III

Konačna Odluka u postupku javne nabavke će biti donešena nakon Odluke drugostepenog organa po žalbi ponuđača DEFTER d.o.o. Sarajevo koji je dana 25.07.2023. godine putem protokola ugovornog organa uložio žalbu na predmetni postupak nabavke.

Obrazloženje

Žalitelj PENNY PLUS d.o.o. Sarajevo je dana 28.07.2023. godine putem pošte uložio žalbu na Odluku o izboru najpovoljnijeg ponuđača broj: 13-11-4-3961/23 od 18.07.2023. godine u postupku javne nabavke roba „Nabavka novogodišnjih paketića za djecu predškolskih ustanova na području Općine Novo Sarajevo“, objavljenog na Portalu javnih nabavki sa Obavještenjem o nabavci broj: 935-1-1-110-3-145/23 od 09.06.2023. godine (Ispravka za Obavještenje o nabavci broj: 935-1-1-110-8-159/23 od 26.06.2023. godine).

Prije nego što se upustila u meritorno odlučivanje po pristiglim žalbama, Komisija za javnu nabavku roba, radova i usluga je pristupila provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njenom rješavanju, a koje se odnose na uslovljene pretpostavke u skladu sa odredbama člana 100. Zakona o javnim nabavkama BiH, odnosno na dopuštenost, blagovremenost i izjavljenost od strane ovlaštene osobe.

Ispitujući pravne pretpostavke za postupanje po predmetnoj žalbi, Komisija za javnu nabavku roba, usluga i radova je utvrdila da su udovoljene procesne pretpostavke za ulaganje žalbe, odnosno da je pristigla žalba blagovremena, dopuštena i izjavljena od ovlaštene osobe.

Komisija za javne nabavke roba, radova i usluga je ispitala i osnovanost uložene žalbe u kojoj se navodi sljedeće:

„ Ugovorni organ je u Aneksu 3 pod tačkom broj 5 – zahtjevao da su ponuđači u obavezi, u sklopu ponude, dostaviti uzorke robe navedene pod rednim brojem od 1-10 sa jasnom naznakom roka upotrebe. Ponuđač Aero. Exclusive d.o.o. je dostavio uzorke koji ne zadovoljavaju uslove zahtjevane predmetnom nabavkom i to kako slijedi:

- stavka broj: 10 – napolitanka keks sa punjen krem proizvodom od lješnjaka, (min. 18% lješnjak paste), težina min. 180 grama. Ponuđač Aero. Exclusive d.o.o. je ponudio vafel proizvod punjen lješnjak kremom 36,5% i kremom okusa mlijeka 36,5%.

Obzirom da punjenja pastom i kremom nisu ista, odnosno ne čine isti proizvod, tražili smo mišljenje tehnologa koji nam je rekao sljedeće: „Lješnjak pasta je sastavni dio lješnjak kreme, u koji osim paste ide šećer, mlijeko, masnoća, kakao i sl.“ Evidentno je da sastav dostavljenog artikla ne odgovara zahtjevanom predmetnom nabavkom, te se trebao isključiti iz daljelog postupka.

Shodno prednje navedenom ugovorni organ je trebao diskvalifikovati ponuđača Aero. Exclusive d.o.o, čija ponuda je neprihvatljiva shodno čl. 2 čl. 1 stav 3) ZIDZJN BIH koji glasi: „nepravilna- koja nije u skladu sa tenderskom dokumentacijom ili je primljena van roka za dostavljanje ponude ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponuda izuzetno niska.“

Dana 02.08.2023.godine Komisija za javne nabavke je razmotrila žalbene navode, te utvrdila da je žalba ponuđača PENNY PLUS d.o.o. Sarajevo osnovana.

Ponuđač AERO-EXCLUSIVE d.o.o. Sarajevo je u sklopu ponude broj JN-12-7/23 dostavio uzorke robe za traženu stavku broj 10 – Napolitanka keks sa punjen krem proizvodom od lješnjaka, (min. 18% lješnjak paste), težina min. 180 grama.

Komisija za javne nabavke roba, radova i usluga je ponovnim uvidom u dostavljene uzorke ponuđača AERO-EXCLUSIVE d.o.o. Sarajevo, a po žalbenom navodu žalitelja PENNY PLUS d.o.o. Sarajevo, utvrdila da je ponuđač AERO-EXCLUSIVE d.o.o. Sarajevo ponudio vafel proizvod punjen lješnjak kremom 36,5% i kremom okusa mlijeka 36,5% sa udjelom lješnjak paste u sastavu istog u iznosu od 2%.

Tenderskom dokumentacijom je zahtjevano minimalno 18% udjela lješnjak paste u sastavu ponuđene robe. Samim time dostavljeni uzorci ne odgovaraju traženom iz tenderske dokumentacije.

Komisija za javne nabavke je cijeneći žalbene navode i propisani zakonski postupak, utvrdila da je žalba žalitelja PENNY PLUS d.o.o. Sarajevo osnovana, te je jednoglasno predložila Općinskom načelniku da donese Odluku po žalbi kojom se usvaja žalba ponuđača PENNY PLUS d.o.o. Sarajevo, te kojom se ponuda ponuđača AERO-EXCLUSIVE d.o.o. Sarajevo proglašava nepravilnom.

Konačna Odluka u postupku javne nabavke će biti donešena nakon Odluke drugostepenog organa po žalbi ponuđača DEFTER d.o.o. Sarajevo koji je dana 25.07.2023. godine putem protokola ugovornog organa uložio žalbu na predmetni postupak nabavke.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 100. stav (3) Zakona o javnim nabavkama, odlučeno je kao u dispozitivu ove Odluke.

Podjela o pravnom lijeku:


Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK

dr. Hasan Tanović



DOSTAVITI:

- PENNY PLUS d.o.o. Sarajevo
- AERO-EXCLUSIVE d.o.o. Sarajevo
- DEFTER d.o.o. Sarajevo
- a/a

